



OPIS POZICIJE SHL MULTIPLIKATOR

Dragi naši,

SHL se raduje što si zainteresiran da postaneš SHL multiplikator!

Mi tražimo mlade iz cijele Bosne i Hercegovine, koji imaju između 16 i 25 godina, a koji su već:

- *realizirali vlastiti projekt*
- *učestvovali na seminaru iz oblasti angažmana mladih (prednost onima koji su sudjelovali na SHL-ovom seminarima)*
- *aktivni u nevladinoj organizaciji (NVO), ili neformalnoj grupi.*

To važi za tebe? Super!

Zajedno s 11 drugih kolega, možeš biti SHL multiplikator od januara do decembra 2017. godine i raditi sa SHL-om. SHL već 25 godina radi sa mladima i zna da upravo oni najbolje poznaju potrebe i interese mladih. Iz tog razloga SHL želi da mladi budu uključeni u proces mjesečnog odabira i donošenje odluke o tome koje projekte će SHL podržati kroz Fond omladinskog angažmana (FOA).

Tvoji zadaci će biti sljedeći:

- 1. Mjesečni odabir projekata zajedno sa SHL-om - Trebaš mjesečno pročitati oko 20 projektnih aplikacija i iste ocijeniti uz pomoć ranije određenog bodovnog sistema;**
- 2. Posjeta i praćenje realizacije, te pomoć pri izradi finalnog izvještaja najmanje 2 podržana projekta;**

Prije same projektne posjete, pružaš podršku projekt koordinadoru i pomažeš kod pitanja i problema, ukoliko je to potrebno. Nakon završetka projekta, radiš na sastavljanju financijskog i narativnog izvještaja. Ti si, naravno, uključen u rad i tokom realizacije projekta.

- 3. Pisanje kratkog izvještaja poslije posjeta podržanim projekt koordinadorima;**

Kako bismo mi znali da li je određeni projekat uspješno realiziran, ti nam možeš pomoći kroz tvoj kratki izvještaj o tome šta si radio/la i kakav je tvoj rezultat, te šta si novo naučio/la kroz sam taj proces praćenja.

- 4. Učestvovanje na 4 sastanka/edukacije tima multiplikatora;**

5. Medijska i online promocija SHL-a;

Prilikom posjeta koordinatorima projekata koje pratiš, biti će neophodno i davanje izjava za medije (TV, radio stanice, dnevnu štampu). Mi tebe, naravno, želimo prvo pripremiti za tvoj rad i dati ti priliku da upoznaš svoje kolege. Iz tog razloga SHL organizuje sastanke tima multiplikatora, na kojima trebaš učestvovati. Sastanci će biti održani u januaru, aprilu, septembru i decembru 2017. godine.

6. Uvođenje u posao nove generacije multiplikatora;

Novi multiplikatori se biraju krajem 2017. godine. Ti, kao prethodnik, imat ćeš iskustva, te ćeš moći educirati nove multiplikatore za 2018. godinu.

Prvenstveno, multiplikatori se trebaju dobrovoljno angažirati. Međutim, SHL ne želi da tebi tvoj angažman stvara dodatne troškove. SHL preuzima sljedeće troškove:

- *Mjesečne troškove komunikacije (telefon/internet) u iznosu do 50 KM.*
- *Sve putne troškove, kao i troškove hrane u okviru tvog rada kao multiplikatora.*
- *Dodatno se radujemo što možemo vama, multiplikatorima, ponuditi posebno za vas organiziranu edukaciju o projektnom menadžmentu i pisanju financijskih i narativnih izvještaja. Osim toga, biti će organizirana i jedna posebna „motivacijska aktivnost“, kao i dvije edukacije po izboru tima multiplikatora.*

Radujemo se tvojoj prijavi za SHL multiplikatora!

Rok za dostavljanje prijava je najkasnije do 20. decembra 2016. godine.